



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Synodo Diöcesana.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

stituta, sancitaue sunt, pro subiecta materia ratione, certis titulis ordine distincta; cum iam quinque libris prout quinquies itidem eorum Conciliorum celebritas acta est, varie dispersa sint; in vnum volumem colligantur: ideo Metropolitanam cura, & auctoritate, vt alia editio omnium vsui accommodatior sit, illa, que ijs quinque libris continentur, quæque in hac sexta Synodo sancita sunt, rectè, prout materia, quæ agitur, quæque tractatur, ratio postulat, disposita, salua tamen vnusculiusque Constitutionis, & decreti Prouincialis sententia, vno volumine contextantur, atque ita ordine contexta, quàm diligentissimè edantur.

Quæ potissimum ad hunc titulum pertinere possunt videantur in Tit. f. Quæ generatim ad hæc Prouincialia decreta, & alia pertinent.

De Synodo Diocesana.

S Y M M A R I V M.

- 1 Synodus Diocesana quando habenda.
- 2 Eius dies certus constituendus, denunciandus, & anniuersario Calendario inscribendus.
- 3 Diem ipsam mutare Episcopo licet.
- 4 Synodi rectè, & ordine celebranda ratio prescribitur.
Ea ipsa prescripta ratio in quibus ab Episcopo auferri, mutarique possit. 43.
- 5 Ad eam qui conueniant.
- 6 Ante statam illius diem, eaque durante, quæ Missæ, quibusque statis diebus, quibus in Ecclesijs, & à quibus celebranda: quæque aliæ preces habenda. & De Concilio Prouinciali, nu. 6.
- 7 Quæ item à Parochis tam Urbanis, quàm Diocesanis, Vicarijs foraneis, & Regionum presectis agenda. 9. 10.
- 8 Quæ preparatione; quaque vitæ disciplina eò conueniendum, nu. 11. ibique versandum. 12. 13.
- 14 Synodo durante à Sacerdotibus, qui conuenerunt, quotidie Missa celebranda; ab alijs communio sumenda, & quoties, quæque preces alia agenda.
- 15 Synodales qui ministri.
- 16 Decreta à quo legenda.
- 17 Pridie diei Synodus in Ecclesijs campana pulsanda.
- 18 Prima Synodi die mane Clerus conuocandus ad Synodalem Sessionem: quodque ea in re magistri ceremoniarum officium.

Ipsæque

- 19 Ipseque Clerus quo amictu, & quomodo conveniat; utque in Sessio-
maneat.
- 20 Sessio Synodi quotuplex.
- 21 Sessio prima, processio agenda, Missa ab Episcopo celebranda, Ca-
nonicis pluvialibus indutis, nume. 36. Sermoque & qualis habende-
dus. 21.
- 22 Quaeque alia agenda, legenda, publicanda. 26.
- 23 Examinatores } deligendi, & qualiter.
- 24 Indicesque causarum }
25 Iidem examinatores, } etiam si longius, q̄ unius anni spatium Syno-
Indicesque } di actio differatur, suum munus exerceant.
- 27 Punctatores quoque } designandi, & quomodo: & quando, atque
- 28 Testesque Synodales } ubi iuramentum praestent.
- 29 Iuramentum ubi, & qua ratione praestandum.
Ecclesiastici item in Civitate certi à Diocesano Clero eligendi, qui vi-
banae Congregationis deliberationibus intersint. Quae pert. ad bono-
rum, & iur. & c. nu. 37.
Sequentibus Sessionibus à quibus Missa celebranda, pluvialia in-
duenda, sermoque habendus. 35. 36. 37.
- 30 Sessio secunda, qua alia agenda.
- 31 Sessio tertia, qua item promulganda.
- 32 Quaeque monitiones ad Ecclesiasticos pertinentes, legende.
Sessio à prandio dilata, ea campanae sono significanda, utque ab Epi-
scopo ibi induendum, & quid à Clero vesperi agendum. 38. 39. 40.
Sessionis uniuscuiusque acta à Cancellario notanda, & in libro refe-
renda. 41.
Eadem absoluta, ab Episcopo benedicendum. 42.
- 33 Indictio Synodi sequentis.
- 34 Cerimoniae, & alia in dimissione Synodi.

4. De Synod.
Diocel.
Sess. 14. c. 2.
de reform.



1 **I**psius ad Tridentini Concilij praescriptum sin-
gulis annis, ac item semper sex post Provinciale
Concilium mensibus Diocesanae Synodum
habeat, poena proposita, Canonum iure, & Tri-
dentino Concilio renouata.

2 Quare quod in nonnullis huius Provinciae
Ecclesijs moris fuit, in prima proxima Diocesa-
na Synodo, certum diem Synodalem constituat, quo Clerus ad illam
conueniat. Hic autem dies in singulos etiam annos, Cathedrali in-
Ecclesia de suggestu, die Epiphaniarum, vel Kalendis Ianuarij, ut alios
solemnis dies denunciari consuetudinis est, indictus, Calendario etiam
adscri-

adscribatur, quod in singulos annos confici solet.

3 Certum autem illum diem, prout causa postulabit, modo prorogare, modo accelerare, ac mutare Episcopo liceat, arbitrato suo. Ità tamen, vt neque sex mensium spacium post celebratum Concilium Prouinciale, nec rursus vllas annus prætereat, quo Synodum non habeat.

4 Adea verò, quæ in Concilio Prouinciali quarto de Synodi Diocæsanæ, ad Tridentini Concilij præscriptum quotannis celebrandæ, perpetua indictione decreta sunt, hæc etiam, quæ sequuntur, addenda censuimus, vt cum vsui, tum rationi illius, rectè, ordineque habendæ prospectum, & consultum sit.

5. Quæ ad Syn. &c.

5 Synodo Diocæsanæ vniuersi, & singuli Sacerdotes, & Clerici cuiuscumque ordinis intersint, quicumque Canonum iure, vel Ecclesiasticis Sanctionibus, vel Tridentino decreto, vel consuetudine, aliaque ratione interesse possunt, aut planè debent.

Scilicet. 24. c. 2.

Ad sint verò inter cæteros quicumque beneficium Ecclesiasticum, cuius causa, de iure, aut consuetudine adesse debent, in ea Diocesi obtinent, cuius Synodus celebratur, quàmuis in alia domicilium habeat. Atque in ijs quidem, quæ ad beneficium illud pertinent, eiusdem Synodali decretis, iussisque obtemperent.

Regulares, quicumque sint, qui in quavis Ecclesia Parochiali etiam quæ in suo Monasterio existit, quæuè eidem adiuncta est, curam animarum gerunt, Synodo Diocæsanæ intersint; ad statas illas congregationes, lectiones uè, quibus Parochos interesse iustum est, conueniât; menstruos item illos Parochorum conuentus, quos in Diocesi haberi decreto cauimus, tum ipsi adeant; tum in Ecclesijs, vbi animarum curam gerunt, Monasterij sumptu habeant; & omnia denique munera, onerantè Parochialia, quæ cæteris Parochis imposita sunt, præstent omninò.

Ibid. c. fi.

6 Ante statam Synodi diem per mensem, quinta quaq; feria in Missæ sacrificio, si quadragesima est, oratio de Spiritu sancto dicatur: alio autem tempore, die eodem Missæ celebretur, cæteraque præstentur, prout secundo Prouinciali Concilio sancitum est.

2. Conc.

7 Synodalis hæc actio aliquot ante diebus per Parochos populo denuncietur, eorumque vniuscuiusque officium sit, Parochialis suæ Ecclesiæ homines docere, tum quàm sanctum, salutareque sit, Synodalis Diocæsanæ actionis institutum: tum quàm ob causam quotannis ea actio suscipiatur.

Quo de genere editas ab Episcopo litteras, Parochus suo quisque populo cum in Missæ Parochialis sacrificio is frequens adest, accuratè legat: cui muneri adiungat hoc etiam paternæ cohortationis officium,

quo

quo non modo illum excitet ad frequentius orationis studium Synodali-
bus illis diebus adhibendum; sed etiam ad id singulos inflammet,
ut die Dominico, statim Synodalem diem antecedente, verè po-
nitentes, & confessi, sacram Communionem sumant; hoc præcipue
precantes, ut quæ ad eorum salutem pertinent, Dei auxiliante misericor-
dia per Episcopum in Synodo diligenter, sanctèq; agantur.

8. Quò puriores autem Ecclesiastici ordinis homines, qui in Synodo
adesse debent, ad eam actionem, quæ religiosam animi preparationem
ab illis deposcit, conueniant; omnes, & singuli Dominico illo die, Sy-
nodum præcedente, peccata primùm confessi, non solum Sacerdotes
Missæ sacrum faciant; sed reliqui singuli cuiusvis ordinis Clerici, san-
ctissimam Eucharistiam sumant.

9. Antequàm stata Synodi dies veniat, & in Ciuitate ij, quibus idem
Episcopus dederit, & in Diocesi Vicarij foranei, & Parochi præter-
eà, tum vrbanj, tum Diocesani, ut ipsi Episcopo adiumentum affe-
rant, diligenti aliqua earum rerum indagatione, ac relatione quibus
per eum consuli, aut prouideri in Synodo præsertim oportebit, hæc
quæ infra generatim, vel vniuersè mox præscribentur, sedulo videant,
ac notent, ut ea omnia ad præscriptam ab eo rationem, & normam tum
literis, tum coram constituto tempore deferant. Idque omne, præter
diligentiam, quam de hoc genere toto, testes Synodales ex decreto pro-
uinciali adhibere, & præstare debent.

Pgimò igitur ij omnes pro suorum quique munerum, officiorumque
ratione & cura dispisciant, quæ Cleri sit in Clericalis vitæ moribus pro-
gressio: quæ in vita spiritali disciplina, & quam sollicitum in diuino-
rum officiorum cultu studium: quàm diligens in Ecclesiasticis fun-
ctionibus obeundis sollicitudo; quæ etiam, & quàm frequens in lute-
rarum exercitationibus curà; qui in earum studijs progressus item.

Vicarij autem foranei, & regionarij in Ciuitate præfecti, alijs Ecclē-
siastici homines, quos ob eam causam Episcopus delegerit, exquirant,
qui præterea Parochorum in primis, zelus in animarum salutē procu-
randa, quæ in sacramentis ministrandis sedula diligentia, quàm fre-
quens in pascendis verbo Dei fidelibus officium, quæ denique in om-
nibus Parochialis muneris partibus vigilantia, quæque assiduitas.

Denique ij omnes, & singuli pro sui officij munere inuestigent, quæ
populi in Christianæ charitatis operibus exercitatio, quàm religiosus
festorum dierum cultus, quàm pia in Ecclesijs conuersatio, quæ in Do-
ctrinæ Christianæ scholis frequentia: tum de alijs pijs sodalitatibus
disquirant, tum denique de reliqua omni eiusdem populi disciplina,
& in via Domini progressu.

Post videant, qui singularum Ecclesiarum, præsertim Parochialium,
status;

status; an si quæ instaurationem desiderant; an debito cultu fraudantur; an sacris vestibus, ornamentis, suppellectiliq; Ecclesiastica ad cultum necessaria, instructæ sint; an denique vlla ex parte incultæ.

Postremò an si aliqua sunt Prouincialium, Diocesanarumq; Synodorum decreta, edicta, visitationum præscripta, aliaue Episcopalia iussa, quæ executionem non habeant: quid item impedimèti, aut difficultatis, aut denique causæ sit, quamobrem eorum executioni nõ sit locus.

Id autem omne, quod ad executionem attinet, notent, tum iidem, vel præfecti, vel delecti Ecclesiastici homines; tum Vicarij foranei, tum Parochi, alijque qui Ecclesiastica beneficia obinent, prout eorum vnijus cuiusque in illis exequendis partes sunt.

10 Cùm autem Synodalis dies propè adest, Vicarij foranei pridie illius diei adfunt summo mane in adibus Episcopalibus: eoque ipso die quàmprimùm Episcopo nomina, & cognomina tradant, eaq; ordine descripta, Sacerdotum, & Clericorum singulorum, qui ad Synodum conueniunt, ac rursus absentium, causis sigillatim item descriptis, quamobrem Synodo non adfunt. Idq; præter officium legitimæ excusationis, quæ, qui absunt, Episcopo afferre, & probare debent. Hoc ipsum triduo, vel biduo ante eum Synodalem diem, qui ab Episcopo in vrbe regionibus sunt præfecti, aut delecti præstent, de suæ quique regionis Clericis.

11 Singuli autem Sacerdotes, cæteri q; Clerici, qui Canonicarum horarum officium præstare debent; Breuiarium, cùm ad Synodum veniunt, afferant; quod initio notatum sit nomine, & cognomine possidentis.

Iidem vero, ne in itinere quidem, quod Synodi causa ad Ciuitatem facturi sunt, à Clericalis vitæ disciplina, Sacerdotali morum grauitate, nostris decretis præscripta, discedant.

12 Vbi in Ciuitatem venerint, nè ad cauponas, sed ad amicorum, si quos habent, præsertim Ecclesiasticos homines, necessitudine, familiaritate, aut aliquo hospitij iure coniunctos, domicilia diuertant; tum; deinceps statim ad eum se cõferant, quæ occasione Synodalis illius actionis, Clericalis hospitij præfectum cõstituerit Episcopus; eique chirographum dent, quo suum quique nomen inscribant, notentque hospitij locum & hospitem, apud quem diuerterint. Si verò quis neminem certum hominem habet, apud quem diuersetur; primùm eundem præfectum adeat, qui certum Ecclesiastici hospitij locum assignabit.

13 Cùm porrò Clericalis ordinis homines omni tempore alios vitæ exemplo ad virtutem inflammare debeant, tum maximè cùm Synodales actiones habentur, ita se gerant in verbo, in conuersatione in charitate, quemadmodum Apostolus monet, vt, cùm eos posuerit Deus in acquisitione salutis, atque in edificationem, officij sui memor, ambulent dignè Deo, sanctè que sicut decet, ministros mysteriorum Dei, vi-

uant. Nec verò, vt plerique solent, cum in Ciuitate sunt, per plateas uentur, aut præ curiosità hac atque illac circumcursent; sed ad causam, ob quam conuocati sunt, tota animi cogitatione, tunc attentè, in eo versentur, vt & Episcopo in ea actione puris, castisque precibus auxiliū, & sibi, & populis salutarem inde fructum ferant.

14 Qui sacerdotes sunt, singulis diebus, quibus Synodalis conuentus habetur, vt iustum est, Missæ sacrificiū celebrent; reliqui Clerici saltem primo die Synodi sacram Cōmunionem sumant; idq; summo mane: facientes obsecrationes, orationes, & gratiarū actiones, postulationes pro sancta Ecclesia Dei, pro Sūmo Pōitice, pro Principibus Christianis, pro vberissimo Synodaliū, & aliarū pastoralium actionū fructu.

15 Vt autem Episcopus, Synodaliū actionum officijs, & curis multis tunc occupatus, aliorum ministrorum studio, & opera adiuuetur; iū duo, aut biduo ante Synodi diem, Ecclesiasticum hominem, iuris peritum stauat, qui promotoris munus obeat; & vnum, duosue ecclesiasticum item ordinis, qui eorum, qui à Synodo, cui interesse debent, absunt, causam rationemque absentiae eius nomine cognoscant: qui præterea querelas, controuersias, & accusationes eodem nomine audiant, & ipsi Episcopo referant: cui liberum, integrumq; sit, etiam dum Synodus habetur, quancumque libuerit, illas sibi aduocare, & alijs etiam delegare.

16 Quaecumque porro, vel decreta, vel constitutiones, vel edicta, vel scripta cuiusuis generis in Synodo legi, promulgariue oportebit: ijs legendis uel Archidiaconum, uel Canonicum Diaconum suæ Cathedralis Ecclesiae constituat, qui id muneris rectè obire possit: si modo illi, qui Cancellariæ Episcopalis officium gerat, Canonicus illius Ecclesiae non sit, aut in ea dignitatem non obtineat. Ad illum enim potius hoc officium pertinere decernimus; quo tunc impedito, ad alium Canonicum, quem Episcopus, vt supra delegcrit.

17 Pridie item illius diei, quo futura est Synodus, sub primam horam noctis in omni Ecclesia Ciuitatis solemni campanarum sono significatio detur, Synodi postero die inchoanda.

18 Postridie, quæ stata Synodi dies est, summo mane, & cæteris dieinceps Synodalibus diebus, in Cathedrali Ecclesia certis campanarū ictibus ad Synodum Clerus conuocetur: cuius etiam rei significatio fiat tabella, cura Magistri Cæremoniarum publicè loco suo affixa, qua Synodalis Sessionis certa hora indicetur.

19 Qua hora uniuersi, & singuli, qui in Synodo interesse debent, in Ecclesia Cathedrali, non raptim, sed graui incessu conueniant: ubi conuenerint, loco constituto, superpellicea, quæ munda, ac decentia sint, & almutias, cappasue pro Ecclesie instituto, & usu induant, quicumq; dignitates, Canonicatusue in Ecclesia Cathedrali obtinent, & qui Collegiatis.

legiatis Ecclesijs quocumque nomine præpositi sunt: quibus rectè, & decenter induti, inde ad statum sessionalem locum, non turbulenter, sed quietè, & quò ad eius fieri potest, bini ueniant, atque ordine consideâr.

Nec uerò quisquam mane, priusquam conueniat, cibum capiat, sed ieiunus adsit.

In loco igitur benedictionis confidentes Domini, Sacerdotes, & reliqui interiorum ordinum Clerici, nè uocibus obstrepant, nè tumultibus rem Synodalem perturbent, nè confabulationibus operâ dent; sed hæc omnia, ceteraq; maximè caueant, quæ Ecclesiastica discipline, Synodalis actionis dignitati, & loci uenerationi non conueniunt.

20 Synodali celebritati triduum ueteri ritu præstitutum est: at pro rerum, quæ gerendæ sunt, ratione, Episcopus non solum breuiori, sed etiam longiori tempore Synodum agat, & Synodales actiones tradat licet.

21 Primo Synodi die Episcopus, processione solempni primùm peracta, Missæ sacrificium celebret: tum precibus stans, & cetera monijs, ad eiusdem Synodi inchoationem è libro Pontificali ritè adhibitis, sermonem Clero habeat eo de genere, quod Synodalibus tractationibus, & sanctæ discipline accommodatum sit. Quo sermone peracto, Archidiaconus, uel alius Episcopi iussu indicat silentium.

22 Deinde idem Archidiaconus, uel Canonicus Diaconus decreta lecturus, ad Episcopum accedat, à quo illa, quæ legendæ sunt, cum acceperit, de suggestu alta uoce pronunciet.

Decreta, quæ initio Synodi legat, hæc sunt.

Vnum, monitiones complectens, quæ ex hoc ipso decreto, atque alijs Prouincialium Conciliorum Constitutionibus, ac Patrum regulis, prout Episcopus maluerit, confectæ ad uiuendi modum, celebrandæq; Synodi rectam rationem pertineant. In ijs uerò monitionibus illa cohortatio etiâ sit, ut triduo ieiunio, quemadmodum institutum olim fuit, Synodalis triduana actio à Clero celebretur.

Alterum, quo Synodi ministrorum, & iudicum, quærelarum, itemq; excusationibus absentia unus cuiusque audiendis ab Episcopo constitutorum nomina promulgentur.

Tertium, quo caueatur eorum, qui Synodo interesse debent, nomina, rectè, ordinèque scripta ad Cancellarium Episcopalem deferri.

Quartum, quo caueatur item si cui in ea Synodo cõtigerit, suo loco nõ sedere, aut incedere, aut aliud quicquid agere, p id ppter eam nemini ius acquiri, acquisitum uè esse, neq; quicquid de cuius iure, possessione uè de trahi: sed omnia in eo statu permanere, quo antea fuisse compertum erit.

Quintum, quo excommunicationis proposita pœna prohibeatur, nè quo tempore Synodus habetur, cuiquam Sacerdoti, Clericouè à Ciuitate discedere liceat, nisi missione ab Episcopo impetrata.

Rr 2 Sextum,

Sextum, quo iubeatur, si que publica calamitas, uel Ciuitati, uel Diocesi, cuius Synodus habetur, uel uniuerso populo Christiano imminet, aut instat, orationem, in Missæ sacrificio, ab omnibus, singulisque sacerdotibus fieri, precesque à reliquo Clero adhiberi: cum institutis, & ritus in eiusmodi Synodali conuentu pro publicis rebus supplicationes publicas agi.

His de more promulgatis decretis, nominatim, decorèque uocentur, qui Synodo præsentés adesse debent, sicque uocati, singuli respondeant. Adsum.

Vocationis ratio ea sit, ut primo Ciuitatis, deinde Diocesis Clerus uocetur.

Idque distinctè, sigillatim, & ordine præstetur.

In hac actione primò hæc legantur.

Decretum Tridentinum professionis fidei in Sess. 25. adscriptum, capite 2. cuius initium est. Cogit temporum calamitas, &c.

Decretum Concilij Prouincialis primi de professione fidei, quod decretum incipit, sacri, &c.

Tum formula professionis fidei ex Constitutione Pij III. Pontif. Max. legatur.

Qua lecta, & fidei professione præstita, eorum nomina, qui præstauerunt, à Cancellario scribantur, & in Codicem distinctum referantur.

Decretum Tridentinum de Examinatoribus in beneficiorum Prouincialium cura committenda adhibendis Sess. 24. cap. 18. Conscriptum in hæc uerba, Examinatores, &c.

23 Deinde ab Episcopo proponantur Examinatores nominatim. De ijs probandis suffragia rectè ferantur.

Decretum itidem Tridentinum de ijs designandis, quibus cause delegentur, pronuncietur Sess. 25. cap. 10. quod incipit. Quoniam ob malitiosam, &c.

Post eo de genere constitutio Bonifacij VIII. cuius initium est. Statutum, &c.

24 His lectis illi ab Episcopo designentur, ac demùm pronuncientur. In suffragijs autem ferendis singuli spectent, ut non humanis affectibus obsequantur, sed Deo, & conscientie satisfaciant, religio: Ecclesie utilitati, animarumque saluti consulant.

6. Que ad Synod. & cōgr. Syn. pert. 25 Iudices, & examinatores in Synodo Diocesana constituti, etiam si quando longius, quàm unius anni spacium Synodi actio differatur, suum munus exequantur.

5. Ibidem. 26 Tum hæc promulgentur. Constitutio Pij I. contra Clericos edita, qui sine Canonica dispensatione, extra stata tempora, ante legitimam ætatem, uel absque dimissio-
forijs

forijs Ordinarij sui litteris, se ad aliquem ordinē promoueri fecerint, ex Concilio Prouinciali tertio. 3. De ijs, que partim ad ord. diu. sacr. &c.

Constitutio item Pij V. de confidentijs, ex eodem Concilio, & illa etiam de Canonicarum horarum officio recitando, per eundem edita.

Decretum Tridentinum de residentia item Sess. 23. cap. 1.

Decretum alterum de residentia item Sess. 23. cap. 1.

Decreta Prouincialis Concilij primi de vita, & honest. Clericorum.

Decreta Concilij Prouincialis primi de vita, & hon. Clericorum.

Decreta Prouincialis primi Concilij de diuinis officijs.

Decreta item huius Concilij Prouincialis quinti de Chori disciplina.

Alia denique vel Pontificia sanctiones, vel Prouinciales Constitutiones, vel decreta Diocesana, quæ Episcopus legenda censuerit.

In prima quaque Diocesana Synodo decreta, in Prouinciali proximo Concilio edita, promulgentur. 4. De Synod. Dioces.

Quod officium, nè Episcopus negligat, vel prætermittat, eum hoc admonemus, vt pœnas meminerit, sacris Canonibus contrà eum sanctitas, qui id culpæ, vel negligentia commiserit.

27 His lectis, Punctatores pronuncientur, ab Episcopo delecti, qui ex decreto Concilij Prouincialis quarti ibidem iurent.

28 Deinde testes item Synodales ab Episcopo delecti renuncientur, qui ad præscriptum formulæ in eo Concilio editæ, iurati, munus suum obeant. Quo in iureiurando hæc cautio sit, vt manè in Sessione per eos præstetur, qui adsunt. Si quæ verò absunt, Vicario foraneo, in cuius regione illi testes renunciati habitant, id curæ delegetur, vt ad formulæ præscriptam ab illis ius iurandum exigat, atque suscipiat.

29 Id verò ius iurandum in Altari maiori sacris & reliquijs, quæ è loco, vbi asseruantur, accensis luminibus afferantur, decorè collocatis, sanctò præstetur.

Alia præterea agantur, quæ Episcopus agi, geriuè expedire censuerit.

30 At verò neque Sessio secunda dimittatur; nisi primo, vt supra, oratione publica perorata. Tùm tertia Sessio indicatur. 5. Quæ ad diuin. off. pert.

In Synodo quoque Diocesana die secunda, pro Clericis Diocesis defunctis oratio, & commemoratio solemniter fiat.

31 Quo tertiæ Sessionis die, demùm decreta, si quæ Episcopus noua conficienda censuerit, de suggestu promulgentur. 5. De Synod. Dioces.

32 Monitiones ex Concilio Prouinciali quarto legantur. Vide infra Tit. de Monitionibus in Synodo legendis.

33 Post certa dies Synodi, quæ sequenti anno celebrabitur, decre-

to edito promulgetur.

34 Tūm Episcopus, antequā Synodum dimittat, sermonem habeat, paternis monitionibus plenum, & dimissioni accommodatum. Processio solemnī deinceps ab vniuerso Clero agatur.

Aqua, cūm reditum erit, Clerus vniuersus, genibus flexis, tacitus per horam dimidiam oret pro rebus publicis, quarum causa ratio Episcopi iussu indicatur.

Tūm postea acclamationes sanctē fiant ex formula ab Episcopo præscripta.

Acclamationibus factis, omnes Sacerdotes, & Clerici surgentes, cum reuerentia osculum pacis ab Episcopo accipiant, & sibi inuicem dent, cum timore, & amore Dei. Si verò Cleri, qui conuenerit, numerus is est, ut longius hic osculi ritus ducatur, ea ratio ineatur, ut Præpositi, & Archipresbyteri solum ab Episcopo illud accipiant; qui deinceps suo quique Clero dent; isque inter se mutuo item. Quod verò sancti osculi significatione ostendunt, id re ipsa præsent, ut coniuuentissimis animis, concordique voluntate, & pacis, atque charitatis studio quæcumque lecta, sanctaue sunt, sollicitè exequantur.

Demum Episcopus Clero solemniter benedicat.

Archidiaconus verò præscriptis illis Pontificalis libri verbis Synodi dimissionem significet.

35 Post primæ Sessionis diem, reliquis deinceps diebus, à Canonico, vel ab eo, qui dignitatem obtinet, hebdomadario, Missa solemnī stata hora canatur.

36 Pluuialia item induantur, qui in Cathedrali Ecclesia dignitates, aut Canonicatus habent, & singuli Collegiata Ecclesiæ quouis nomine præfecti, peracto scilicet Missæ sacrificio, cūm initium fit Sessionis Synodalis. At in Missæ etiam solemnibus, cūm Episcopus celebrabit.

37 Manè item singulis Sessionis diebus, cūm sacræ preces libro Pontificali præscriptæ, ritè habitæ erunt; Concio, Sermone Ecclesiastica disciplinæ rationibus accommodatus, ab Episcopo, vel ab alio eius iussu habeatur.

38 Sessio autem, cūm ad horas pomeridianas prorogatur, detur stata hora signum campanæ ad illius significationem.

39 In qua continuata Sessione Episcopus amictum etiam, albam, stolam, pluuiiale rubri coloris, pectorale, & mitram preciosam induet, duobus de more assistentibus.

Pronuncietque Episcopus initio orationem. Adsumus.

40 Vesperi autem, antequā vnusquisque diei Sessio dimittatur, Clerus vniuersus paulum tacitus, sanctē, religiosè que oret pro re, de qua orationem fieri, in eadem, vel in prima Sessione indictum est.

Cancel-

- 41 Cancellarius autem, à promotore rogatus omnis quotidianæ Sessionis, tum matutinæ, tum pomeridianæ acta publica conscribat, in librumque certum referat.
- 42 Peracta demùm tota vniuscuiusque diei Sessione, Episcopus de more solemniter benedicat.
- 43 His decretis de Synodi Diœcesanæ habendæ ratione, atque vsu per nos editis, addi, atque de his mutari aliquid in ijs, quæ aut ad dirigendæ Synodi rationem, ordinem, aut ad decretorum Prouincialium, aliarum sanctionum promulgationem pertinet, Episcopo ex causa liceat, prout ex Synodi suæ Diœcesanæ vsu esse videbitur.

De Testibus Synodalibus Prouincialis & Diœcesanæ Synodus.

S V M M A R I V M.

- 1 Synodales testes deligendi.
- 2 Quique, quot, & à quibus.
- 3 Metropolitani & Episcoporumque eos non eligentium pœna.
- 4 Eisdemque presentes, iurant; & quid; quaque formula. 10.
Quando item, & vbi. De Synodo Diœcesana, nu. 28. & 29.
- 5 Eisdem à Synodo absentibus, quid à Metropolitano, & quid ab Episcopo præstandum. 6.
- 7 Eorundem nomina à Cancellario Episcopali notanda.
- 8 Eorumque aliquo defuncto, quid ab Episcopo curandum.
- 9 Id testis Synodalis officium suscipere, vel iurare recusans, vt compellendus.
- 11 Testium ipsorum quod munus.
- 12 Quæ ad Metropolitanum, vel Episcopum referant, & quando. 13.
- 14 Ad Prouincialem Synodum eorum quis accedat, & quæ ibi præstet, & quando discedere liceat. 15.
- 16 Viatici, & victus sumptum quis illi suppeditet.
- 17 Ad Diœcesanam verò Synodum, locauè alia proficiscenti, an aliquid viatici, sumptusque dandum, & à quibus.